

騰越鄉土志

卷六之八

原書分訂三冊



騰越鄉土志

地理

騰越在滇極西距省城二十四程計一千六百餘里東至永昌府四站計三百二十里幅員甚闊除土司所轄另載不計外東西闊四百三十里南北祔六百里東至高黎貢山分水嶺與保山接壤處一百二十里東南至龍陵界蠻掠渡約一百三十里南至南甸土司八十里由南甸至紅蚌河緬界二百五十里合計南至四程三

騰越鄉土志 卷六

一

百三十里西南至銅壁巨石兩關滇緬畫界處二百三十里西至神護關息馬山二百四十里西北至古永隘猴橋外瓦崙山脊近年同英界石分界處計三程共二百一十里州志載西北茶山長官司界五百里今已淪為外域北至明光隘茨竹寨外與英畫界處計四站三百里即州志明設里麻長官司界也東北至保山縣上江及雲龍州界二百五十里此騰四正四隅皆由廳治現在計算之道里也





騰治城內舊分五所兵燹後分東南西北四門  
附東南城外街市衢巷分為八保始於東門一  
保終於西街八保惟南門月城外四五六三保  
人煙鋪市仍輻輳也然較之道咸承平間十僅  
五六此外則名曰練分為十八練各設鄉約焉  
環城四圍平原中謂之四首練其距城五六  
里百里外者十有四謂之遠練其明光三單三  
夷庄曩宋關猛茂甲諸直隸甲別設甲長自納  
差糧不在十八練內

騰越鄉土志

卷六

二

十八練外又有八關九隘七土司其山川種族  
甚系戶口聚居風俗等項編入人類茲不贅叙  
僅將練名別為遠近次第如左曰東練在東門  
外五里曰大董在城東十里曰綺羅城東南十  
里曰和順在城南十五里別開一平原縱橫約  
寬七八里曰小西在城外五里曰北練由北門  
外里許至三十里而止此近城俗名四首練寬  
則六練也  
四首練外城東六十里曰龍江城東南八十里



曰蒲窩城南四十里曰清水六十里曰明朗八  
十里曰河西城南西三十里曰緬箐由緬箐外  
八十里曰蓋西偏西百里抵分界處曰古永城  
正西八十里曰大西城北六十里曰曲石又四  
十里曰瓦甸又五十里曰界頭自廳城至界頭  
經歷署共計一百五十里北十二邊練合四首  
六練共為十八練以騰四圍山高川長如匹練  
然因以命名

騰城石城也為極邊第一形如方印周圍七里

騰越鄉土志 卷六

三

三分四門樓矗直精緻東額曰霑化西曰永安  
南曰靖邊北曰溥潤壁立可觀雖迭經賊踞地  
雷炮轟決裂一二旋毀旋葺仍似確乎不拔也  
者溯其創立之始乃明侍郎楊寧侯璉相繼督  
率南征將士萬五千人五都指揮李昇為首經  
始於正統十年冬落成於十三年春其中經營  
慘澹趨事赴工華難覩縷此不過紀其大畧也  
其一切規制高厚深闊丈尺顛末則詳載州廳  
志



陽

衙署者城之腹心而城郭其輔也城內有署眾  
所觀瞻先其大者小者備詳志乘廳署在西北  
隅學正署在南門內訓導署在明倫堂後司獄  
署附廳署右總鎮署舊建於西南隅兵燹後司獄  
未朽遊擊  
署在總署前左邊其餘都守千把等署半毀未  
修近設電報局在鎮署右光緒乙巳冬又創建  
西道署丙午秋九月落成其在城外者則隨地  
別載

廳署昔坐戌向辰毀於兵光緒四年同知蔡信  
騰越鄉土志 卷六 四

義以術家言改建坐亥向巳遂多大訟七年冬  
陳宗海始仿永昌府署式仍建今制蓋父老傳  
聞舊署方向規制為明鄧武橋子龍所定官於  
斯者無不升遷今向雖復舊而規模大異所以  
吏治民風遠遜於昔斯言也似屬荒渺然歷驗  
三十年来事多符合父老之言未可厚非

澈

學宮在南門內半里許秀峰山凸峙其左晉建  
朱衣閣於上今圯大車湖俯其前即泮池也光  
緒乙未年始建泮橋池前有照壁磚石堅緻寬



大宏壯屢經兵燹殿廡皆燬獨此巋然同光間  
重修殿宇舊殿基礎尚存圓闕合抱遶大木不  
得移龍江舊棟豎立柱脚僅滿礎心今匠斲而  
小之可見舊制規模軒昂礎其一證也明儒永  
昌張南國侍郎記碑曰騰學冠天下良有以也  
或以騰學之遠為天下第一也亦宜

文昌宮坵文廟右同在大車湖南岸舊志載昔  
陳指揮宅改建並載乾隆中州牧唐古梁築文  
廟前橋規制甚壯不知何指相傳湖心淵深底

不可鑿即乙未新造亦因冬旱大涸始多方以  
成之况昔日淤未成土潭潭深碧耶或謂乃文  
宮池左分界處之石路石壁也架橋為路水相  
通後以淺落漸塞之非今正中洋橋云

文星樓新建於十字街心上奉魁神轟轟然聳  
翠流丹高出四城樓上以堅石為基礎四向甃  
半月形為四路通衢四隅內設市肆四小間僅  
容膝光緒乙未建計費白金將盈萬甫落成適  
邑人才開泰捷南宮都人士咸謂文風漸啟也



又前明有鐘亭毀鐘久卧地茲樓成乃移懸中  
一層近眾議皆以為此物千鈞懸於通衢百尺  
樓終非長久計復移之

武廟在新修道署左廟左為忠烈宮乃黔省會  
館崇奉者唐南霽雲將軍也忠烈宮左為武侯  
祠又左則光緒丁酉春同知黃炳堃同紳民所  
建之岑襄勤公祠又左為丙午移建之赤帝宮  
馬王廟也皆坐西向東牆宇毘連而不相離者  
萬壽亭在西門內距廳署後半里許西北隅有

騰越鄉土志

卷六

六

肇騰土主廟

俗稱落廟又土

元天宮在鎮署左

城隍廟在東門內

音日格拉廟

五十步稍南昭忠祠即張公始

建左南門內有陞官祠東西北三門內各有靈

官廟又偏東北則有龍神祠在白鶴井傍龍神

祠少南則有財神廟又東嶽廟則在鎮署旁電

報局右南嶽廟在東南隅此城內歷歷可紀者

惟西嶽廟則在西門外又呼為西盟寺而北嶽廟又在

東門外一保街

附東南城外八保街各建靈官廟東偏有



社稷壇西南角外有藥王宮周圍石牆如葫蘆  
形正殿高坐具口門由口旁出入層級三四疊  
其底有池相傳為鄧子龍卜云其吉者南連石  
佛寺在新橋河畔以石宛然佛像故名又南有  
雲鶴寺鶴釀劍三此外則為五皇殿原名黑塔  
寺相距禹王宮三同僅數十步附城西偏則川  
主宮西蜀會館  
五保街將軍廟在馬塑勅封忠義護國鎮蠻將  
軍像未詳何神大率劉鄧其人融於祝錯西有

騰越鄉土志 卷六

七

改

老蕭祠江西右旁  
聖諭樓後面稅今六保街有

萬壽宮

江西改官銀又

又偏西半里山麓有新財神

廟閣廳同修壯麗可觀為騰寺觀第一南上山

腰則有來鳳寺殿宇重重山頂建文峰來鳳晴

嵐其一景

華嚴寺距城東南角五里在滿金邑又東北角  
外峨岷山頂偏西岷懸凹坳有高山寺正殿佛  
龕前間當金鳥西墜斜射夕陽一點後數須臾即



收拾去名味。峰晚照為八景之一。山麓伽河村  
有天姥祠。俗呼娘孃廟。距董庫老王廟三里許。  
以上四祠俱屬東練界。

大董練內吳邑有土主靈祠。龜山村則洞真三  
教二寺在焉。至天應寺在洞坪村西南雙峰山  
下階前有石晴燥雨濕古云礎潤信然。魚山里  
南有玉寶寺。循上山腰有文宮。毀於兵。址尚存。  
大董平原西距城十里為綺羅練。羅森山麓河  
口有水映寺。又名水尾寺。近寺約一矢平地。崛

騰越鄉土志 卷六

# 官

起頂建文宮。雕樑畫棟。面迎曲水。池沼清冽。仕  
官多所遊玩。闕城南一望風水。

龍洞垂簾八景之一。在城西南五里有石橋。即  
疊水河兩旁。岡巒鎖峙。左建白衣閣於岡頂。毀  
未修。右巒頭為龍光台。修未及半。素為名宦騷  
人觀瀑處。龍光來脈。疊嶂起伏。偏西山。坳古有  
鬼盧寺。尚未修。寺後峯頂。光緒己丑新建文筆  
又西五里層巒聳峭。南方文也上有寶峰寺大殿  
前臨絕巖。亭有危壁。間深刻莫高山大川五字。

# 壑



乃前明叅將吳蓋臣手書也殿後有綉絲梯攀  
藤而龜起則三清殿據於巔

興龍寺俗名龍王寺在城西二十里小西侍郎

壩明侯璉所築故壩集鶯山下亦名打鶯山寺前有池酷似

永昌湧珠泉而其源混混則過之小西練田畝

築七十二壩皆賴灌溉焉

國朝乾隆間傳文忠恆以南征駐節遊題曰活

水來環水南望一望平敞脈至文宮觀音塘後

距城十里名曰西山畧似隴坂平形微凸處曰

騰越鄉土志卷六 九

金塔坡昔有大佛寺原名金輪寺今圯相傳為漢唐

夷酋金殿有三十六條花柳巷七十二座管絃

樓遺址然荒渺無稽不足當一快云

護珠寺在城西北十五里又有皇閣寺在干戕

山楊姓祖墓山下為所施建舊傳于戕海今名青北

海有龍以戲珠偶失為孟土官所得俄而雷兩

大作孟懼奔寺禱於塑像納珠佛腹中得無恙

故名之曰護珠又北門外平原十五里興護珠

相望曰普光寺即北練文昌而三音寺在星羅



屯温塘倚山半

城南十里和順練大石橋頭土主廟右文昌宮  
傑構壯麗巍然聳峙總關比屋聚廬風水為一  
鄉偉觀魁星閣又在練尾鎖水山上洵屬山環  
水抱人傑地靈也對峙中天寺層累井然其東  
水碓山元龍閣下湧泉出焉引為沿村曲流資  
汲飲灌溉潄水為池倒影樓臺幽然僻靜池上  
有數水碓碾轉便捷所謂山碓水能奮信然因  
以名村

騰越鄉土志 卷六

十

城北百五十里界頭街經歷署旁有東嶽廟報  
恩寺土主廟距十餘里雪山偏西有天台山寺  
高興雲齊興雲峰山東西百里相望奇景也界  
頭街六十里馬面關雪峰頂興雲龍州分界處  
有騰雲寺光緒中陳宗海倡諭各善士募建值  
巖冬行人阻雪施粥全活者半丹陽洞寺在曲  
石東偏雪山上石形如鳳嘴間石乳流滴舊  
傳周東華隱遁於此瓦甸街

關帝廟素顯靈應光緒乙酉春祝融為災鋪屋盡



燬廟獨存

龍江練上營有盤龍寺橄欖站後有觀音寺在  
甘露寺後十里又大竹村有文宮

關帝廟在忙棒街龍江橋畔有鎮江祠諸殿焉蒲  
窩練離城東百二十里青梁山高聳頂建青梁  
寺雄偉甲於東南小蒲窩有青峯寺一曰團瓢  
寺前明知府不知何許人亦不詳其姓字易僧  
名曰團瓢晦迹至此愛其山如蓮花形遂挂錫  
募修終老於斯傳至今多落拓遊客薙髮冒僧

騰越鄉土志 卷六

十一

與施主爭利健訟

清水練有忠孝寺在硫磺塘畔城南三十里九  
龍山下昔有蒙化僧照純夢十八人指與一境  
名忠孝令其開建隨遊騰見九龍聳秀宛如夢  
示因結菴募建焉曩蒲寨有文華寺

關帝廟陳家寨有文宮河西練有香雲寺明朝有  
三教寺雨傘蕭家庄有文宮  
距城西南三十里緬箐街後有文昌宮來脈平  
衍豐厚土亦肥饒對面崛起一巒鎖一練風水



頂建魁閣與明朗為界河東蛇山蜿蜒低赴俗  
稱蛇躡龜明鄧武橋子龍擊折蛇腰霧異未減  
而不知路橫蛇腰奔踏日陷非武橋所擊明矣  
習俗訛傳甚矣哉文昌宮左里許則有

關聖廟土主廟後五里則有圓通寺倒懸如葫蘆  
形由口出入亦一奇觀

騰屬人民最多者惟大西練而寺觀亦最夥雲  
峯山為第一名山三折雲梯八景外四景之一  
有名士題曰勝地無塵雷電掃靈山有感漢夷

騰越鄉土志

卷六

十一

朝足驗一斑矣峰頂有玉皇閣老君殿右堦下  
有呂祖殿半山腰有接引殿題曰接到這半腰  
來須防失足引通那高首去更要留心合此二  
聯山形奇絕可以想像山麓十餘里為萬福寺  
固東街有

關聖廟街下五里有圓通寺順江有龍華安心二  
寺碗窰有三元宮馬距屯有朝陽寺甸苴有燃  
燈寺龍從山頂有朝雲寺距城北望三十里龍  
從朝雲八景之一也山之西麓曰東華寺俗傳



明建文帝止宿於此無蚊蚋訛甚然至今無焉  
亦一異事至雲岩寺則在明光三尖山雲巖古  
洞八景外四景之一即此也而忠孝寺又有滇  
灘隘

城西南一百二十里外蓋西練蠻冷有

關聖廟關上有觀音廟蓋西之北曰古永練正街

有大

關廟近年防營駐焉又浪撒寨有青樹廟乾隆中

此古樹間即  
右故名

騰越鄉土志卷六

十三

關廟也昔設地方公局同箐口與賊塵戰拒蔡逆

不破處繞箐口有鄉勇昭忠祠閣練中有寺四

練首曰鎮龍寺練尾曰迴龍寺中則曰亢天宮

一名金永壽寺離古永街北八十里古永隘膽

家寺  
扎有

關廟按古勇隘世龍土把總鐵印曰古勇古永練

內地曰古永勇與永練隘兩有別



坊表

城內東門街有雙烈石坊為明季鄉賢吳宗堯  
妻原劉二氏立南門內有懷柔木坊乃知州常  
明所建廳署前有木坊為節婦尹張氏立東街  
口有總節孝坊木柱高插雲表下嵌以石綺羅  
文宮傍石坊以李正邦同妻尹氏百歲立又一  
石坊節婦李氏立和順石橋頭石坊為闕文風  
立山脚許姓亦有百歲木坊小西大寬邑石坊  
節婦明氏立江西新蕭祠門口有石坊上

鑄

鑄

騰越鄉土志

卷六

十四

萬壽宮三字極其高聳華麗兵燹殘其一二形勢

尚存

橋梁

鐵索橋

騰橋之最緊要者惟龍潞二江衢關通府通省  
費必盈千盈萬兩岸懸岩峭壁中流洶湧湍急  
非木石所能撐柱前人費盡移山心力故必繫  
以鐵索焉雖潞江在界外數十里歷為騰人倡  
修費極不貲志橋當舉以為冠龍江橋雖在境



內費則次之其他天濟橋在馬曩轉橋在西南旬  
向陽橋在城北永濟橋在曲石界明橋在界頭  
明成德橋在十里野豬箐長庚橋在界野則又次舊志  
載鐵索橋五當日僅比實非挂漏

### 石橋

以石砌橋下孔開丈餘上平如康莊良非易易  
如龍洞橋即疊水河凌雲橋即西門外大橋新河橋在城外  
瓦甸之夾象石橋大西之灰窰橋曩煙之曩煙  
橋小河底橋皆匠石運造而成者非可以彙常

騰越鄉土志 卷六

十五

例之他如費不滿千者或載新舊志或記里巷  
碑詳而攷之尤得其實故不贅述

廳志載藤橋三實不經見惟古永練外之古勇  
隘名猴橋關以拱把丈八許木插於兩岸石穴  
中挽其木杪以藤束縛如偃月形足踏其一兩  
手扶上上下下如猿故名由猴橋河流西南約四  
十里曰崇芭河有石堡河寬十餘丈幽而且深  
過渡難甚獠獠努練於兩岸樹腰用藤牽束如  
仰月形脚履一巨藤手抓二藤始入而俯將出



則仰鞫疑不啻也昔明王文成公征斷藤峽嘗  
疑於是今信不誣

### 市鎮

騰地街市鄉練皆有為巨鎮者南門外四五六  
保街其次則界頭街至瓦甸曲石龍江及大西  
之周東順江等街則又次其他北練草堤街緬  
箐古永蒲窩猛連各街則次之又次而各土司  
地仍不與以另列種族遵例目以清界址限別  
漢夷以便稽查故也

騰越鄉土志 卷六

十六

### 學堂

閣廳舊設來鳳書院南門義學城鄉有新老義  
學光緒二十八年奉

諭旨各處義學均改學堂至二十九年癸卯六月

騰越始改書院為高等小學堂各蒙養義學改  
為初等小學堂共四十六堂均命以名合將其  
名開列於左

城保四堂曰觀化曰式訓曰自強曰滌新  
大西練三堂曰崇正曰養性曰復性



綺羅練二堂曰新德曰進德  
 大董練二堂曰育德曰復執  
 東練二堂曰新靜曰遜志  
 和順練二堂曰養正曰樂賢  
 古永練二堂曰時敏曰培養  
 小西練二堂曰達材曰養正  
 曲石練二堂曰培正曰集賢  
 北練二堂曰復初曰明德  
 緬箐練二堂曰育德曰明善  
 騰越鄉土志 卷六  
 界頭練二堂曰樂育曰育文  
 河西練二堂曰達才曰觀文  
 瓦甸練二堂 未定名  
 蒲窩練二堂曰新化曰新義  
 清水練二堂曰興賢曰集賢  
 明朗練一堂曰成德  
 蓋西練一堂曰崇文  
 明光隘一堂曰育才  
 滇灘隘一堂曰澤新



南甸營一堂曰安化  
猛蚌甲一堂曰進化  
四夷庄一堂曰得心

騰越鄉土志

卷六

八



騰越鄉土志

山類

騰越山脈出自崑崙經四川西南循雲南麗江府及大理府雲龍州入騰越北界其中疊起約二千里至大塘隘北距城二百餘里分二支東一支為高黎貢雪峰橫架天半騰界之東山也南一正支度姊妹山界明光滇灘之間外則明設里麻茶山長官兩司地東向歧枝入內地而正支向南歷古勇隘尖高山又南為瓦崙山良俗

騰越鄉土志 卷六

十九

脊

名高以上二山以分界始名即滇緬分界山脊也南行百餘里而神護而巨石而萬仞而銅壁四關距城西南三百餘里水流西為緬界流東為滇界北天所授今之中外界也新劃滇緬西北界皆沿山脊至紅蚌河而由銅壁關外浪栗山大伏一峽崛起火燄山紅蚌河源中出馬行百餘里至蠻莫而止此界外山也內一支過石梯舊名南抵干崖墀尾檳榔江至紅蚌匯處始盡



高黎貢山距城一百八十里自大塘隘北分支西南向川原為曲石瓦甸界頭龍江四練雪峰冬峙冬晴白戰蜿蜒二百餘里極龍江橋正東為萬里虹山四景之一及練尾為騰東界接龍陵界夾龍潞兩江峯巒散漫起伏奔馳極於邊遠難以殫述惟在騰為高黎貢與神護息馬諸山東西遙望騰中千山萬水一切源流皆出其

騰越鄉土志 卷六

二十

中他無由外入者前人以漢夷語言不通漢巡罕到懸揣記載猶多不實今則四通八達又疊經畫界所紀之謬十無一二

姊妹山分支四出左入內一支界大塘明光兩隘間委蛇南抵曲石大西灰窰向陽橋會龍江而止西北為里麻茶山野人地今屬英緬南度瓦崙山東出一支為明光滇灘之界經大西鴉烏山固東街外圓通寺下鋪為平原明光滇灘兩水匯於此姊妹云者舊志載其間崇山密嶺雙峰插天宛如巫峽神女狀騰諸山盡從此山發脈於今攷之不盡發脈於此當以此山來脈與高



黎貢古名高崙岡土人謂之高良工二山分脈  
處為騰越諸山總脈蒙詔借封為西嶽

南度尖高山聳立如錐由外地金沙江外望之

高出霄漢可望而不可即俗謂琅玕高良工為

父琅為母以峯頂分二大支南一支即瓦崙山

雲氣卜陰晴云也以英緬画界始與火高山呼名前名東過峽

聳起瑯玕矗矗穿雲玉筍岫嶙排雲疊峙與瓦

崙雌雄相望惟瓦崙一峰雄峙半在外域而瑯

玕則峯齒排插度脈全騰也舊志云雄武莫奇

騰越鄉土志 卷六

二二

於古勇之瑯玕山此其磊磊大者

是山界滇灘古勇兩隘間距城一百八十里婉

蜒曲折聯珠起伏其脊限大西古永畛賦無相

混也東岐支為雲峰山舊志謂霧異其神於鳥

索之雲峯者脈行大西古永及緬箐之魁甸僅

距城五十里分而三西折則過峽觀喜玻朝西

則古永西山朝南為緬箐明朗山以蓋西論為

東山也而止於干崖新城土司署一支過鵝籠

東寶峰寺山寺距城西直南下石頭山為緬箐



東界和順西界山不高而石于累又三十里許  
而止於明朗曩煙塢大盈緬箐兩水合流處  
東一支由魁甸直起集鷺山俗名打鷺山山之  
東麓為小西龍王塘源泉出焉灌注侍郎塢小  
西一帶東下平鋪為金塔坡距城十餘里之西  
山其東北向突起一峰名小龍從筆峰巒雪八  
景之一又疊起為龍從山上有朝雲寺距城西  
三十里龍從朝雲又一景忽起忽伏脈絡四五  
十里轉北練之東北曲石練尾之南龍江練頭

騰越鄉土志 卷六

二十二

之西厯打苴擒蔡塘甘露寺諸山由擒蔡塘西  
下一支過黃坡大董村入平原經胡家灣倪家  
鋪蛛絲馬跡過脈萃起來鳳文筆坡為全騰主  
山土厚峯圓晴嵐橫帶如畫景然來鳳晴嵐八  
景第一

其由甘露寺迨遞南奔突結蒲窩練青梁山循  
龍江練尾與龍陵交界之西直達緬界新街瑞  
沽入龍江匯金沙江口而山脈始止此其大致  
也然皆由瑯玕出脈左縈右拂龍盤虎踞全騰



鍾毓山水繫焉而丸峯南下之神護諸山不過  
為今日西藩屏障高黎貢岡脊只為東衛之界  
限而已昔明巡撫陳用賓設八關徐霞客猶憤  
曰霞客名學八關設而此外非吾所有矣今八  
關已失其四而四關徒有虛名當又出霞客意  
料之外矣

騰居萬山中具特奇者指難縷屈舊志載五十  
三山羅列四境高良工嶽也來鳳山冢也竊異  
莫神於烏索之雲牽雄武莫奇於古勇之瑯玕

騰越鄉土志

卷六

二十三

此其磊磊大者而其孑然一拳如城內之秀峰  
山在學官左頂建朱衣閣今圯雖培塿小阜風  
會繫之雖小猶大也至於土司界內諸山皆為  
廳治亦宜類紀然載於新舊志者披閱了然故  
不復瑣記云

瑣



水類

騰中諸水源出境內以今日界限言之也較昔日潞江東界境外上流無恙大金沙江西環塞外歷元明所設里麻茶山猛養猛密木邦諸土司則西南北三面之拓土無垠衆流奔匯窮源竟委匪伊朝夕可畢乃事元命篤窮黃河源始與漢張騫相合至

國朝而釐定不與窮源之難如此况騰僻在遐荒言金沙黑水者屢矣卒未得其實際迄今聲教

騰越鄉土志 卷六

二十四

中外互通細流必資攷較朗君列眉理疆域者尚有一源濫觴之相混乎爰就境內諸水略紀之餘詳新舊之志

騰境大水有二一日龍川江一日檳榔江此外支流不一而兩大水均能括之龍江發源有三皆在西北界雪山內距城二百八九三百里不一等一源由馬面關外高黎真興姊妹諸山分脈處入東者為大塘隘合界頭瓦甸馬鹿塘經雪山山西麓諸水過界尾入瓦甸東至曲石會眾川



江

一由姊妹山北七藏甸亦云茨流為明光隘河  
至大西練固東街圓通寺外匯滇灘隘流出之  
西江合東流經灰窰向陽二橋入曲石而龍江  
下流始闊溯滇灘河源在姊妹尖高兩山排脊  
下破峽東來經琅玕山北出阿幸鳥索合雲峰  
小甸諸小水而與明光河會亦龍江三源之一  
自大塘發源至曲石尾計三四程約二百餘里  
又奔流半日程至本江鍊索橋細流眾湊岸益

騰越鄉志 卷六

二十五

少寬底益深激不利舟楫僅橫魚艇復歷龍江  
練尾入蒲窩練距城一百二十里經龍陵界始  
達騰屬隴川猛卯兩土司地而交英緬界去騰  
益遠至太公城乃會大盈江尾即檳榔轉下江  
頭城與瑞沽過阿瓦合大沙金江經漾貢入南  
海道里載滇緬海道里載滇緬  
檳榔江距城二百里較龍江為大自干崖新城  
匯古永蓋西蠻旦江合疊水大盈江而始名下  
流亦有名大盈江者蓋檳榔可括大盈上流而



帝

大盈不可窮檳榔遠源也舊志載大盈江綜近城甸內眾流名之源流不一獨東至赤土鋪甘露寺擒蔡塘各經羅塢塘歸馬邑河為大盈之濫觴自是人皆以大盈之源始此乃檳榔之源亦始此其與古人所謂發源自西番馬口入雲南古勇州為檳榔江者不啻逕庭綜之荒徼邊夷叛服無常雖歷經查勘難以尺寸求實大半按圖摹索了事安能如近來同外人較度數爭綫索之為確證耶

騰越鄉土志 卷六

二十六

檳榔源實出距城二百餘里古勇琅玕南麓胆扎輪馬諸細甸水為三岔河南流二十五里至猴橋關會古永川河為江馬江扼要建碉堡分設七十二卡經盞西支那抵干崕又尖高山南邦綫坡外水流西美古卡葫蘆地累畧石處亦入上七卡之一光緒二十四年始畫歸英緬古永練一川之河源在城西集鷺山後魁甸外白泥塘綜歡喜坡脚青龍箐由南數涓泉北流括括至箐口西來崩麻水入魁閣山會沙河俗

老俗



新名 曲溝灌溉三十五里至練堤尾合朗堤諸  
河又三十里至猴橋大河西納瓦崙內牛檻河  
眾峽流為江此前志所不載者特為扶出  
由檳榔距城南二百里溯源西上蓋西合神護  
關止那猛豹二隘眾水又自夫高山下至猴橋  
沿江七十二卡中皆名為蠻且江惟蓋西中波  
流澹洄可載木舟上下要口祇可橫渡竹筏冬  
春水涸間有深厲淺揭者故野人多入搶掠夏  
秋靈雨復有望洋之歎反利駛舟為今日計防

騰越鄉土志 卷六

二十七

邊者宜何如之慎闕河而固江城也  
自干崕新城及舊城外一百二十里兩岸平原  
檳榔江委曲蕩漾其中西納蓋達河此外則右  
蠻線諸水會歸堤尾一帶鑿木為舟兩旁繫以  
大竹載貨上下畧與陸運相埒滿江大水懸虎  
跳石而下三十里直納紅蚌河又三十里至蠻  
莫新街匯大金沙江經阿瓦左納龍江下流過  
漾貢入南海